



學志卷之十

名德

學省儒宗自昔為道德之選

明時碩哲輝炳後先又非前代所能及也若宋若胡  
行業文章光開雍範然所歷在南茲不得而借焉  
今上以來策書有待自永樂迄于正德歷沿今學考著  
風規簡籍曠遺不無關畧則以俟君子云

李時勉名懋以字行江西安福人永樂甲申進士  
選庶吉士預修

高皇帝實錄授刑部主事書成陞翰林院侍讀永樂洪  
熙時屢言事下獄

宣宗登極謂左右曰李時勉能直言忠臣也召對于萬  
歲山特命宥之進侍讀學士待之加厚正統初  
上御經筵命時勉兼經筵官每進講必盡誠敬冀有所  
感格

上亦為之傾聽時太學缺祭酒而難其選論者謂非時  
勉不可遂以任之既蒞任崇廉耻抑奔競別賢否  
示勸懲士習丕變諸生數千人開導訓誨各因其  
才而造就之語經書必窮旨趣俾有所領解病者

醫死者有歸未娶者俾有室皆出贊為之倡而仁  
義之風行焉督諸生夜讀務盡二更將五更則命  
膳夫提鈴喚起或自潛行以察勤惰令人暗記明  
日示之責罰自是燈光達旦書聲不絕嘗請脩太  
學中官王振惡其持儒禮以擅除庭樹搆之是日  
時勉坐東堂閱諸生試卷錦衣官校猝至即掩卷  
起免冠解帶受桎梏合監師生來觀者皆驚愕失  
色時勉神色自若徐呼諸生與語曰某人某處講  
是某處非某人今次稍勝前某人比前不及因顧  
僚屬曰還須校定榜示語畢乃行已而枷實監前

諸生三千人伏闕救之有石大用者獨具疏願以身代乃獲釋自是屢疏歸休諸生輒奏留歲丁卯疏請益力許之命給驛舟賜銀寶為道路費去之日諸生涕泗送者數千人觀者如堵既歸聞

車駕蒙塵號慟上疏言選將練兵數事卒謚文毅後改謚忠文

蕭鎡字孟勤江西泰和人宣德丁未進士選庶吉士授翰林院編修正統初預修

宣廟實錄轉侍讀未幾陞祭酒景泰辛未召入文淵閣兼學士尋擢戶部侍郎命議易儲事鎡曰無易儲

### 子霸者所禁况

天朝乎不聽加太子少師因天變上疏論時政甚切修寰宇通志充總裁官書成陟戶部尚書加太子太師仍兼學士鎡少有巨志言動溫雅在太學勤于訓士矩度整肅嘗欲乞歸監丞鮑相合師生三千餘人慰留如陽城太學士丘濬替其蒼然古色淵然德光進有所施舍可以藏可以知其人矣

劉鉉字宗器直隸長洲人幼習楷書選翰林秀才中順天鄉試授中書舍人宣德初預脩

兩朝實錄遷兵部主事正統初預修

宣廟實錄擢侍講曹鼎薦教庶吉士己巳進侍講學士  
 景泰初充經筵官壬申改國子監祭酒嚴條教以  
 約諸生諸生皆樂從之天順改元擢少詹事侍東  
 宮講讀卒贈禮部左侍郎謚文恭鉉介特自守言  
 行不妄與人交一以誠敬權貴之門絕跡不入平  
 生耽嗜群書至老弥篤為詩文渾厚爾雅所著有  
 假庵稿若干卷太學士楊士奇楊溥過其所居甚  
 湫隘稱為古人云

王恂字 [redacted] 湖廣公安人宣德庚戌進士以翰林

院修撰陞大理寺寺丞巡撫貴州景泰初召回以

為右春坊右庶子管本監司業事四年陞祭酒史  
 稱能布列條教弟子皆順服不敢違以疾卒于官  
 周洪謨字克弼四川長寧人正統甲子鄉試第一  
 明年進士及第授編修景泰中遷左贊善兼編修  
 言十二事轉侍講改侍讀掌南京翰林院事成化  
 初召修

英廟實錄進侍讀學士未幾陞南監祭酒承前祭酒劉

俊繼弛之後振舉舊規士類嚴憚守制服闕改此

監上疏請增孔子樂舞從之在兩監多所建白擢

禮部侍郎適尚書張文質去位以洪謨代之特議

憲宗皇帝升祔暨

孝穆皇太后饗禮上疏畧曰禮必援情以立義事當據古以證今謹按周制天子七廟三昭三穆與太祖之廟而七文王武王為宗故為九廟蓋以后稷為始祖文武為世室皆百世不遷其餘則以次而祧前乎周則商以契為祖而湯與三宗百世不遷後乎周宋以僖祖為祖而太祖太宗亦百世不遷雖迭有異議大儒程頤朱熹皆以尊僖祖為得禮之正蓋報本反始義所當重也我

高皇帝肇建丕圖追祀

四祖至

英宗上賓遂備九室在當時則

德祖為高祖無可推之親在今日則

德祖當為始祖無可祧之主臣愚以為

太祖

太宗比周文武萬世不祧

懿祖而下當以次遞遷茲遇

憲宗升祔宜于

太廟寢殿之後倣古夾室之意別建一殿分為九室以俟藏祧主况古有祫祭合祧廟與未祧之主而祭

之于太廟故謂之祫今宜于歲暮之餘奉迎

懿祖桃主仍居舊位以享祫祭每歲一祭視古三年一

祫為有加矣周禮大司樂歌中呂舞大護以享先

妣謂姜姬為帝嚳妃為后稷母故特立廟以祀至

宋元德懿德二后既有別廟之享重獻章懿二后

遂有奉慈之建每歲五享四時薦新上食如常儀

茲遇

孝穆皇太后祔葬

茂陵所有神主宜於

奉先殿傍近宮空室改為別廟庶情文咸秩幽明允協

矣

上從其議又手製瓊瑤玉衡圖以木代之規制工巧識

者服其精緻致仕歸尚草安國禦夷十事上之卒

謚文安所著有四書疑辨錄洪謨學有本源文必

根理其所著述剖析精微摛抉踈漏大學士丘濬

稱其所存卓爾不群無所待而興云

耿裕字好問河南盧氏人景泰甲戌進士初授給

事中以父九疇官尚書奏改翰林院檢討為文辭

醇深有古風歷遷國子祭酒師範端嚴陞吏部侍

郎進禮部尚書改南京兵部尚書兼督撫務召還

復為禮部尚書拜吏部尚書尋加太子太保並選  
公明坦夷無物世多稱焉

丘濬字仲深廣東瓊山人正統甲子鄉試第一景  
泰甲戌進士選庶吉士授編修時兩廣用兵經年  
不決濬條列事宜李文達公即代上之

英宗嘉嘆付所司舉行

憲宗登極克經筵講官轉侍講預修

英廟實錄成進侍讀修宋元綱目陞學士會祭酒缺僉  
謂非濬不可陞祭酒尋加禮部侍郎掌祭酒事陞  
禮部尚書掌詹事府事修

英廟實錄克副總裁官加太子太保兼文淵閣大學士

上時政疏凡十餘萬言

上命諸司議行未幾加少保太子太保改戶部尚書武

英殿大學士以目疾辭不允卒贈太傅特進光祿

大夫左柱國謚文莊官其孫營為尚寶司丞濬少

孤力學穎悟絕人六歲能詩弱冠著論謂許衡仕

元無能改於其俗又不能行己之志不仕可也者

儒碩師見其論初甚駭之已而又大服以為先儒

論所未及其為學以研窮為主博極群書亦多所

自得嘗謂朱子家禮最得崇本敦實之意然儀節



略焉考諸儒言作家禮儀節使好禮者可舉而行朱子微言散見于傳註語錄學者粹未易求乃采其精切者彙為二十篇倣魯論語作學的朱子綱目以正統為主然秦隋之末有不可遽奪漢唐之初有不可遽予者乃作世史正綱著世變之升降明正統之偏全又謂西山真氏大學衍義有資治道而於治國平天下之事缺焉乃采經傳子史有及于治平者附以已見作大學衍義補時經生文士為文以竒怪相高或不可句公考南京鄉試及禮部會試怪詞險語皆痛斥之怨誹不恤及焉

祭酒尤諄諄為學者言之文體乃復渾厚其有學師道尊嚴無愧李忠文綜理微密則忠文有不及者門生學子遍天下人誦其文家有其書庸人孺子皆知其名逮登台輔務以寬大啓

上心以忠厚變士習凡人才進退政事脩舉一惟

祖宗舊典是循雖嬰疾病功業不竟就所著見殆不為空言矣論者至謂嶺南人物唐宋以來惟四人謂唐張九齡宋余靖崔與之暨灑也其為人推重類如此

費簡字廷言鎮江丹徒人成化己丑禮部會試第

一選庶吉士授編修充經筵官遷國子司業轉左  
諭德仍理司業事陞祭酒

孝廟初開經筵充講官

車駕視學

賜坐講爨倫堂褒諭宴賚士林榮之及直日講改少  
詹事兼侍讀修

憲廟實錄成進詹事兼侍讀學士擢禮部侍郎卒閭長  
身偉貌論議疊出臨事通變慷慨且恭謹自持人  
恒以公輔期之其在國學最久士子多所造就云  
林瀚字亨大福建閩縣人成化丙戌進士選庶吉

士授翰林院編脩歷左春坊左諭德陞祭酒在太  
學幾十年待諸士嚴而有恩凡差撥歷事定立條  
規雖勢家子不容請託越次故事祭酒膳夫銀歲  
百數計翰悉貯之官始置祭酒公署及合監師儒  
廨宇嘗請開科貢以進人才大畧謂學校作養日  
盛科貢二途取有定數歲有常規不無遺材淹滯  
之歎禮部議擬詔令開貢四年遷禮部侍郎嘗因  
災異率群僚陳十二事曰明黜陟去冗官清吏弊  
定庄田折益鈔處監生嚴軍政省供應收才至禁  
奸貪停不急寬民力有御史自巡按執歸逮獄二

三儒生賈緣傳奉授中書瀚疏言御史當俯審寬  
宥以全風憲之職中書宜收回成命以杜倖進之  
門則天命天討協天下之至公矣疏入忤旨上疏  
自劾不報未幾復疏重根本以回天變四事曰保  
固南京以重

祖宗根本曰佑啓

皇儲以重天下根本曰撫綏百姓以重邦家根本曰增  
進賢才以重致治根本正德改元改南京兵部尚  
書叅贊機務逆瑾亂政素嫉瀚正直南京科道官  
言事被逮瀚獨往送贖以俸金且議上章直之瑾

聞愈銜瀚誣以同黨矯詔降浙江左叅政致仕復  
矯詔指瀚與大學士劉健謝遷尚書劉大夏韓文  
都御史張敷華為朋黨頒示天下瑾伏誅詔復尚  
書仍致仕卒贈太子太保謚文安瀚學問淵委識  
邃而養充介而不狹大而踈溫若可親而中實  
不可犯家政輯睦子孫醇謹晚歲嘗奉

詔特賜存問龐眉皓首鄉人具瞻人以為有文富洛  
社之風焉

謝鐸字鳴治台州太平人天順甲申進士入翰林  
為庶吉士授編修預修

英廟實錄成陞從六品俸奉

命校勘通鑑綱目上疏言神宗喜通鑑理宗好綱目而不能推之政治因勸求賢講學以史冊實經傳窮義理則大本立而萬目自隨矣

上納其言秩滿遷侍講仍加從五品俸當值

經筵撰講章必盡所欲言者嘗發明誠之者人之道謂務虛名而不實用工夫如漢武帝內多人欲而外施仁義唐太宗外行仁義而內多慚德便是不誠又如梁武帝酷好佛法唐德宗信任盧杞不能明於治道之邪正人才之賢否是不能擇善也唐

玄宗初年勵精幾至太平後乃窮奢極欲溺於所愛唐憲宗初年發憤志平僭亂後乃好神僊迎佛骨有始無終是不能固執也時

純皇帝頗有偏好故鐸以此諷上不以為忤也連遭父母喪當起復乃謝病家居弘治初言事者交薦之會以修

憲廟實錄徵乃起供職擢南京國子監祭酒動以身教每嚴約束禁諸生班見禮捐皂役錢以濟僚屬藉膳夫錢于官構東西二書樓以皮鏤版上疏請增揚時從祀而黜吳澄餘若擇師儒慎科貢廣載籍

復會饌均差遣論列尤多辛亥陳情致仕歸論薦者以十數特陞禮部右侍郎掌國子監祭酒事

命吏部遣使即其家起之鐸再辭不得道得疾徑歸復請而敦迫日益急乃行至京辭所加職以本官治事亦不許居二年辭至再癸亥修歷代通鑑纂要

命為潤色官疏又五六上乞歸養疾乃

命給驛以行令有司俟病愈奏

聞正德戊辰吏部例上其名會權奸用事恐其復起遂仍令致仕鐸孤介寡合性氣屹屹嗜義如渴見不

善者將浼然其在北監也請增號舍修堂室又謂廟門衢面多狹邪以為褻慢買其地而廓之又買官廨三十餘區以省儉直皆出夫皂宦役悉藉為公用諸生貧困亦有給死者請京府致賻給驛歸其喪又請別祀叔梁紇曾顏路孔鯉配之以全倫義而議黜吳澄論尤切皆不果行凡所建白皆師古義持獨見未始有徇俗希人之意雖尊官要地忌者不能無而輿論所歸若出一口其辭則相率請留其去則爭為論薦如翰栗納馬諸途素為所抑者亦連名薦之家居孝友父世衍嘗出祭田

三十畝鐸買田代之而以其田分諸弟及供家塾  
間以蒸族之貧者又買田以益弟姪修宗譜構墓  
廬為合族計嫻識困乏者皆量事周卹然實無長  
物惟節俸入為之其居常第蔬食醴飲而已為詩  
精鍊不苟力追古作當所得意殆忘寢食文尚理  
致謹體裁考訂評騭多前人所未及所著有桃溪  
集續真西山讀書記伊洛淵源續錄伊洛遺音四  
子譯言元史本末宰輔沿革

國朝名臣事畧尊鄉錄土小城新志及詩集論諫錄皇  
忱葉汲綆餘誠歸或姓誅總山集祭禮儀注若干

卷卒贈禮部尚書謚文肅

石珪字邦彥真定藁城人選入翰林為庶吉士除  
檢討德器剛毅知識不群館閣稱重之以纂修功  
陞修撰

經筵講讀賜金帶四品服正德初士風漸漓於前類  
多巧宦珪憤世嫉邪作媒說以諷陞南京翰林侍  
讀學士補南監祭酒教法嚴家濟之以恕諸生感  
服改本監祭酒教法如在南時陞南京吏部右侍  
郎轉吏部左侍郎兼翰林院學士庚辰主會試號  
稱得人嘉靖初陞禮部尚書兼學士掌詹事府事

癸未主會試陞吏部尚書每銓輒以或名書片摺  
為志納袖中探而出之囑託不行尋

命兼學士入

內閣專管

詰勅明年兼

文淵閣大學士又明年加太子太保

武英殿大學士尚書如故班嘗以

大禮定議為是而言或時有從違門生有當柄每謂  
其情懷不盡已而罷歸卒于家贈少保謚文隱

王瓚

會鐸字振之湖廣景陵人弘治壬戌舉禮部第一

擢進士高第改翰林庶吉士授編修

武宗即昨詔諭安南鐸克正使

賜一品服以行比至宣布威德正其儀禮諸所覬遺  
悉卻之交人稱歎預修

孝宗實錄遷國子監司業進南監祭酒尋改本監鐸屢  
歷成均其教主于理道不事章句南北士多所造  
就尤持清操湔宿弊縉紳歆仰之屢謝病歸闕園  
亭蒔花木屏跡深居為授老計嘉靖初刑部尚書  
林俊上疏謂經師易得人師難得鐸約質渾晦志  
尚清純道足以鎮雅黜浮學足以訂頑立懦今釐



革廢弊正育賢成德振作士風之時况魯鐸與謝  
鐸人品為類謝鐸以祭酒養病

孝宗用吏部薦進禮部侍郎掌祭酒事起之于家遣官  
以速其行重道尊師頌美有作

陛下今日虔魯鐸如謝鐸則今日之頌美  
陛下將亦同

孝宗美一時撫按之臣暨兩都臺諫交疏論薦先後以  
十數皆謂德器溫粹問學淵源植德毅簡宅心廉  
直莊重渾厚之文可以華王言淳懿端恪之行可  
以式鄉俗於是推卿佐者五皆莫之應年六十七

卒

詔諭祭令有司營塋

賜謚文恪鐸性恬退器量深閑文章節槩見推天下

家居以身率物嘗作俗言以勸鄉人有巨盜起掠

民牛馬或給為鐸物必釋之其感化如此所著有

蓮北使交東西廂已有園諸藁若干卷藏于家

按舊志職官名次正德以前祭酒有王公鴻儒司

業有楊公孔暉二公皆有聞于世者然王公似授

任未久楊公似以憂未任故不敢列姑俟再考

王讓字宗禮山東益都人幼勤敏端恪讀書日積

寸累事親有孝行嘗廬墓致涌泉之應洪武末由鄉薦授國子學錄施教以孝為先諸生有以罹艱告者讓一聞涕淚輒泫泫下以故多所感化

### 文皇帝簡侍

皇太孫讀書謂侍臣曰孝者百行之源也君子之所當則也故詩曰有孝有德朕聞讓孝於其親故擢用之讓在講筵首陳堯舜之道惟在孝第人主躬行孝弟則天下感化不勞而治每談經必端凝拱立敷宣明暢

皇太孫敬而愛之時同事之臣陳山張瑛以順

旨被寵戴綸林長懋則強諫不少詭隨惟讓謙卑自

牧簡默寡言每進規諷亦委曲切中事情

皇太孫欽容聽之益加禮重及扈從北行常被

召見厚加賜予陞本監助教洪熙初

皇太孫正位東宮讓進左春坊庶子未幾

東宮即位是為

宣宗章皇帝宣德改元以輔導功首陞讓為吏部右侍郎山瑛及綸等皆居其次居部二載卒讓言若布出口而提身素履人所不及荐歷榮顯恭儉若布夜時為

上簡注未嘗矜耀志亮清介始終如一士林重之

陳旅字正初台州臨海人父璩以詩經發解冠南省歷官翰林檢討按察司僉事提督江西廣西學政清節粹學師表一方旅承家學以明經舉為江西新淦縣學訓導廉以律已公以率人鄉賢有死節為人所諱者首題其名于碑以示勸勉璩之子欲進學則力遏之暇則修治學宮規益縣政上下交誦其賢滿考書最擢翰林孔目未上以憂歸服闋改國子學錄操履一如在新淦時雖無所事事而賢聲隱然出六館右乃遷監丞監丞職雖卑而權則重監之紀綱自祭酒而下得參預焉旅乃首勲公解遺財力清曠所宿弊律已率人益嚴而厲甚至貴戚謝過監規為之肅然未幾又以憂歸起復改南京國學六館之士素聞其清強望而畏之曰陳監丞來矣及署堂印遂奏請修理廟學盡出羨餘以資公費一無所私輸粟監生與外夷遣子入學者例皆厚贄旅亦一無所取顧於寮友生徒之孤貧患難者則周給之不吝九載秩滿即乞休致諸生請于

朝願再借留旅不待報已翩然東歸第十載乃卒年

八十有一

林聰字季聰福建寧德人正統己未進士景泰三年奸臣建請易儲之說事下廷議衆持疑未敢發聰在諫垣首言

皇太子無過不可易憤激不肯署名奏牘事雖不能沮而人諒其忠未幾備設東宮官屬聰為右春坊司直郎內閣大臣言聰不宜散署改補吏科都給事中聰居職久益蹇蹇以言自任思不負知獎吏部官選法未當或私有所徇者輒指斥改易至屬疏劾之必置諸理而後已當事者外雖示敬憚

而中實忌之嗾御史劾聰甥為教官因聰言得善地文致其罪以專擅選法論當死大臣當連名署奏牘次及禮部尚書胡濬驚曰抵聰至死耶如公論何即移疾不出適朝廷遣使問之濬曰本無疾聞林聰被害心悸不安耳帝始知聰為人所誣竟坐末減左遷國子監學正

英宗復辟起公左僉都御史山東饑命公賑貸公詢按能官散請材落給食及醫藥全活數十萬還陞右副都御史江淮鹽徒橫行公往擒其渠魁梟數人餘脇從則用輕典盜以寧息成化二年江淮旱人

相食詔公撫之公奏借江南糧及支運糧儲數十萬給民食且與之種陞右都御史巡撫大同號令明肅勸懲有法八年以疾致政越二年召赴南京都察院視事命兼提督操江又三載召為刑部尚書未幾加太子少保其決獄不瑣屑善委任遇太事則反覆詳覈躬自筆削屬官咸心服以為不可及凡大政會議亦多所剖決嘗偕太監汪直往覈遼東失機事事皆得其宜以報汪奴視縉紳獨禮敬公公為人恂恂和氣滿容身若不勝衣未嘗有疾言遽色及遇事則正色讜言確然有不可拔者

羅用俊字舜臣吉安泰和人自少遜志力學領鄉薦會試中副榜當就教官時年二十三於例得辭用俊輒授職除浙江青田縣學諭陞安慶教授秩滿陞南監學正又秩滿陞本監助教為人孝友嚴正重義輕利所至以身為教士敬信之去則立主祀于名宦祠在南監日以模範端重公卿大夫咸加尊禮不獨諸生而已年六十致仕杜門却掃好學不倦其庭訓以嚴濟慈三子皆登進士顯名天下人比之河東三鳳以子貴累封通議大夫南京吏部右侍郎卒年八十七計開

御賜祭葬

右以本監簡牘廢缺諸名公事蹟多所遺漏即二司成已不能盡考自監丞以下賢傑豈少哉今所錄四人其三人者猶賴嘗官南監得其行畧若此嘉靖以來師儒炳炳圭璋聞望紹休彌盛則在後賢撫次而謹書之

簡遇

優體

陞遷

考選

我

皇祖右文興治模鈞之職咨簡惟勤簡之精故待之重諸華要之任輒使兼之若祭酒而參密勿博士而

置左右文衡之重司書助教學正總焉法從之崇學正學錄與馬體睦之優遷陟之殊皆前代所未有也

列聖相承率由斯道至于今日應台調鼎並本司成六館之師歷登臺省此後碩所以咸奮而賢才所以彌昌也嗚呼休哉

高皇帝初建百司以詹同吳彤為國子博士魏觀吳琳為國子助教令教胄子于內府嘗置諸左右講誦經史

吳元年夏五月以許存仁為祭酒初

上幸金華求元儒許謙後召存仁赴京師一見與語大  
悅曰何相見之晚也拜之學教授命入侍

皇太子及諸王已而改京學為國子學拜博士晉祭  
酒奉燕間備顧問啓沃論思宸見禮遇出入

兩宮且垂十年自稽古禮文之事至于人材進退時  
政弛張無不預議及修舉廢墜更規設法以教國

子條列數十事皆見施行焉

洪武四年春會試以司業朱濂為同考試官

廷試以祭酒魏觀為讀卷官

秋八月應天鄉試以兵部尚書吳琳司業朱濂為

考試官

五年夏五月有事于方丘

上命選文學能賦之士以從學正夏閱學錄蕭執與焉

自是國學官得從

車駕

六年三月以博士李叔允助教朱復同翰林諸臣  
採摭漢唐以來藩王善惡可為勸戒者為書以進

名曰昭鑒錄自是國學官得與纂修

十一年三月以前禮部員外郎吳伯宗為助教今

于東宮進講

十二年五月東宮文學傳漢纂脩春秋本末成

上命助教儲惟德同翰林典籍劉仲質校正自是國學

官得預校書

十八年正月

召前助教聶鉉至京師二月會試以鉉及翰林待詔

朱善為考試官

二十一年

召前學正蘇伯衡至京師二月會試以伯衡及翰林

院編修掌中都國子監事李叔荆為考試官

二十三年

命司業掌監事龔敷與禮部尚書李原名修撰掌

林院事黃子澄申定官民服飾忝酌時宜務存古

意

二十四年

命試祭酒胡季安與翰林學士劉三吾議定科舉歲

貢程文格式

二十五年二月

詔祭酒胡季安與翰林院官考定六藝

二十六年

召博士致仕錢宰助教致仕靳觀同編修致仕張美



和定正蔡氏書傳令行人馳

詔徵之

三十二年二月纂修

高皇帝實錄國子博士王紳金玉鉉助教王達與馬書  
成達陸翰林院編修王鉉陸翰林院五經博士達  
尋陞侍讀學士永樂二年

命撰進士題名碑記

永樂二年簡 東宮官屬以博士徐善述為左春  
坊左司直即助教晁鑄為右春坊右司直即博士  
楊斌為右春坊右清紀即七年春會試善述以司

直為考試官

是年冬重修文獻大成

命翰林學士王景侍讀學士王達國子監祭酒胡儼  
司經局洗馬楊溥儒士陳濟為總裁

九年重修

高皇帝實錄

命翰林學士兼右春坊大學士胡廣國子監祭酒兼  
侍讀胡儼及黃淮楊榮為總裁官

永樂十三年纂修五經四書性理大全國子監博  
士王復原與馬

二十二年秋七月

仁宗即位冬遷東宮官爲以助教王讓爲右春坊右

贊善博士張景良爲右司直郎讓尋陞左庶子

宣宗即位推恩舊學起拜吏部右侍郎

洪熙元年建弘文閣陞學錄楊敬爲翰林院編修

於閣中與侍講王進等五人同事

宣德二年改翰林侍講陳敬宗爲國子司業

上曰侍講清華之職司業師表之任秩雖未崇其任則

重亦可謂儒者之榮矣

正統元年初設按察司提學官以南京國子監學

正蒞觀爲陝西提學守僉事

景泰元年九月

御經筵國子監祭酒蕭應龍左春坊左諭德管司業事

趙琬皆兼經筵官是後

累朝經筵開講祭酒與焉

是年冬以祭酒蕭應龍兼翰林院學士入閣預參機

務

是年纂修宋元通鑑綱目國子監博士陳淮與焉

弘治元年以祭酒蕭應龍兼經筵官直日講

優體

高帝初以羅復仁為國子助教以老賜小車出入每燕見賜坐飲食洪武元年遷編修二年拜私文館學士

洪武三年以翰林國史院侍講學士魏觀為祭酒觀以太常卿改官翰林其偕仍嘉議大夫凡文移稱魏嘉議云

四年祭酒魏觀司業宋濂乞歸

許之既行復召還

上親御奉天門賜燕倡和以為樂

九年御史臺奏博士趙儼年踰七十願放還鄉里

上許之加儼官翰林待制初吏部給以誥命致仕賜錢

二十五緡為道里費以行

十年

召前國子學正蘇伯衡至京師伯衡以疾辭賜官致表裏各一鈔一十貫遣歸

助教錢宰請老

上許之勅授文林郎國子博士歸教其鄉

十二年助教馬從龍表陳年老多疾乞還鄉里

詔循例增秩以翰林應奉致仕賜道里費

十五年七月司業王嘉會卒厚恤其家

命所在官司祭之

十六年冬十一月

詔定朝恭官員坐次凡

奉天門賜坐祭酒序于翰林院官諫官會都御史之  
上坐于西角門東向若

華蓋殿序坐亦如之坐于鹿頂外東西相向

十八年學錄金文徵通吏部尚書余燠遂祭酒宋

訥

上既正其罪勅諭訥曰君子之道猶鼎穀小人之道猶  
稂莠二者並有世所不免雖然天相德人猶扶植嘉

穀故其道堅而不磨彼小人之所為自崇畫矣卿勿  
為是而替威儀必竭乃心力奉勅知故

二十一年試進士

上以監生任亨恭廷對第一

召祭酒宋訥褒諭之命撰進士題名記立碑于監門

二十三年祭酒宋訥卒

上甚悼之命禮部致賻諸司致祭仍遣使護喪歸葬有  
司治墳所過郡邑皆祭之又遣行人臨祭于家眷  
禮特厚開國以來文臣無與比者

二十四年會試以監生許觀會試廷試皆第一

召國子監官褒獎之

二十五年春正月朔

上御奉天殿朝賀大宴群臣命胡季英真拜祭酒侍坐  
殿上

三十三年正月監丞王峻用陳情省親

從之

永樂元年上

高皇帝尊謚禮成賜群臣宴國子監官皆與焉

二年五月禮科言國子監祭酒徐旭書奏不謹當

降

上問吏部尚書蹇義旭為人何如對曰有文學持守而

於人寡合

上曰持守之人固當寡合蓋其中有所主不能脂膏依  
阿於外况兼有文學宜寘之近侍遂命為翰林修撰  
六年學錄王讓奏請省親

從之

宣德六年新作行在禮部成

錫宣落之命國子監祭酒同宴

祭酒貝泰奏言願於南京關支俸米分回原籍供  
祭養親

從之

正統二年翰林院檢討仍晉助教事王仙會乞以  
其子旒入監讀書

上命禮部試旒文理平順

許之

八年四月祭酒李時勉以年七十乞致仕

上以時勉學行淳正為諸生矜式不允其去十一年時  
勉復上疏乞休

上覽奏嘉歎久之仍不允其去

十四年

詔以博士助教學正等官教訓生徒每員給與阜隸  
二名

景泰二年祭酒王恂卒

詔遣官致祭給官舟歸其喪

天順二年故太子賓客國子監祭酒胡儼孫順乞  
入監讀書

從之祭酒李時勉孫顯入監讀書時有例四品以下  
子孫乞恩入監者不許

上特命許之

七年司業吳匯以患病乞暫還鄉調治

從之

成化二年國子監祭酒司馬恂以父老乞假歸省

還卒訃聞

遣官諭祭後追贈禮部左侍郎孫公紳授中書舍人  
五年四月贈故國子監祭酒李時勉為禮部左侍  
郎時勉先謚文毅

上曰時勉在先朝直言敢諫於忠無忝矣毅不足以盡  
之其謚曰忠文

十六年七月司業費閻乞歸展省

許之弘治十五年周玉乞歸省正德九年魯鐸乞祭

掃皆得請焉

弘治十五年祭酒謝鐸乞致仕

溫旨勉留十六年鐸奏祖母趙氏守節未蒙旌表而

沒請以本身應得誥命移為旌表恩

上曰趙氏准與旌表鐸應得誥命仍給之十七年鐸屢

疏乞休省

溫旨勉留章五上乃

許之給驛以行

命疾愈日有司奏聞起用

正德十二年八月祭酒魯鐸以疾請告

許乘驛歸仍令有司俟病愈具奏

陞遷

國朝慎重司成與侍從儒臣迭為出入祭酒司業必

以翰林宿學有望者充之祭酒或陞卿亞或宮詹

或內閣學士司業陞祭酒或坊局五品官監丞博

士六學諸師學博行修者以補館職吳元年以博

翰林國史修撰洪武二年學正蘇伯衡十一年助

教張美和十四年學正李叔荆洪熙元年學錄楊

致俱陞翰林院編修洪武二十年與纂修者書成亦

五年助教鄒緝陞翰林院侍講

如之修金元年助教王達陞翰林編

簡列坊局永樂二年陞博士徐善述為左春坊左

博七揚城為右春坊右贊善尋陞左春坊右贊善

王讓為右春坊右贊善尋陞左春坊右贊善

為右司其在本監遷陞國初有以博士陞祭酒

者許存博士助教陞司業者龔敬未樂博助正錄

陞監丞者則其常也丞以下九年考績加陞史職

者自宣德五年始時吏部言國學官滿九載例復

職增俸

宣宗曰國子監官有例復職固是優待儒者但他官九

年俱陞職學官獨不可陞乎今量加翰林史職仍

教事又曰若教官中有學術才識出眾者尤當不拘

資格拔擢勿謂儒者不可用是歲學官九年滿者博



士許子謨汪奉陸翰林檢討博士黃胤宗助教郭  
俊陸翰林編修仍各理原事自是歷正統至成化

中滿績加史職為成例矣宣德中監丞侯傑學正

觀張信王仙劉球正統中助教李洪孔錚翁英貴

俊胡淵陸檢討南監丞諸實陸編修助教嚴素

景信陸檢討天順中監丞安貴博士陳准侯玉房

齡助教劉翔項怡劉栢俱陸檢討成化中監丞林

大節博士張恭應龍間亦授實內臺正統中監丞

俱陸檢討仍理監事洪武十四年以助教趙新為山西布

顯學正周道學後考選中其陸外服者國初

皆方伯長貳洪武十四年以助教趙新為山西布

馬懿為江西布政司左參議王景純為湖廣布政

司右參政張勵為山東布政司右參議十七年以

博士賀貫為陝西布政司右參議十七年以

學錄劉修為山東布政司右參議十七年以

守正統中學正曹建三頃中博士王濬助教鄭貞

近歲以來三載既考即得選列內臺或尚書

六曹即往往歷至中丞卿佐如商大節陳鉅等外

陟者亦皆府貳州正於乎

朝廷所以撰掖文教作廟型鈞不可謂不至矣若其

職或憊其衷豈非自棄於  
聖人之世也哉  
嘉靖十六年司經局洗馬管國子監司業事童承  
叙奏為稽故典以飭學政事臣惟本監博士助教  
等官職專教士中間多有學識醇正訓迪勤懇者

先年考滿率多假以翰林檢討職銜仍管教事比  
來遷轉不一訓教不專臣請自今各官給由到部  
查照本監考語果係才堪政務者即與序遷若有  
志甘恬淡學稱師模者仍令再歷待其滿日照例  
加以清階責其成效庶教有專功而才無枉用也  
吏部覆題查得弘治四年七月該南京國子監助  
教李榮九年考滿到部該陞從七品本衙門無該  
陞員缺查得翰林院檢討係從七品欲將本官陞  
授翰林院檢討仍管南京國子監助教事題奉  
武宗皇帝聖旨是欽此又查得正德六年該南京國子

監助教黃瑛九年考滿到部查照前例題奉

武宗皇帝聖旨黃瑛陞俸二級仍舊管事欽此緣係本  
部議擬題請其應否准陞翰林院檢討職銜取自  
上裁合無今後遇有兩京國子監博士助教等官員缺  
本部先於科目出身教職內查有學行可取者方  
擬陞補待其三年考滿叅酌本監考語查照舊例  
果有才堪風憲者行取相兼考選才堪別用考或  
開陞部屬及擬陞府佐等官中間若果有志其恬  
淡學稱師模堪以久任者仍令再歷九年滿日查  
照先年助教李榮黃瑛擬陞翰林院檢討仍管助

教事事例請自

上裁等因奉

聖旨准議欽此

右附載此議者明近例也

考選

設官授次九載績明則遷秩二等 國家定制用古制也間亦有不次而擢者當久任法行雖如胡儼之為祭酒備膺寵遇然歷二十餘年僅加太子賓客致仕豈以品位為輕重哉自

官廟以來監丞而下歷三考則加翰林史秩人固以為榮久之內外諸司無不數遷者則史秩非學官所能待而以臺選為甄異矣正統中間擢數人為御史時未以為例弘治二年

孝宗始命兩京國子監官但係應

詔保舉及原有功蹟陞任者與行人等官相兼選用自是凡係科目出身歷俸一考以上兩監博助正錄俱得行取考選風憲嘉靖十三年三月吏部選得曾忭等堪任給事中奉

聖旨是這所選科道官你部裏既說有國子監博士等官却無一人得與今後務要從公考選欽此先是行

大學志 卷十一  
取兩監官皆由吏部坐名是後凡經一考以上稱職無過及不係改調者聽吏部文選司移知本監盡數起送考選南監嘗一停之嘉靖二十五年該南監祭酒程文德具題奉

旨一體行取今為定例夫抗顏諸生之上以其道立准齊誨迪由性義而人才興焉是師儒之能其官也抗顏百司之表以其道匡違糾慝振揚風紀而國是定焉是臺察之能其官也能其官者易地皆然矣膺茲茂選可不益勵而弗替哉

本監自正德以前不具錄今錄嘉靖中助教則呂景蒙周倫黃河李秀春項廷吉陳九成學正則汝登余坤學錄則鄒文憲彭世潮張椿而三十五年博士周京助教何大章費增學錄梁汝魁一時簡御史者四人則尤稱盛云

### 職官題名

自遷史立年月表法後之國史郡縣之乘輒效之唐宋以來官署又各有題名其始書于壁後人以壁易泯輒勒石以冀永傳吁可傳也亦可畏也論世者稽焉教之興廢人之賢鄙不可隱美前題名碑作于成化之三年嗣是者稍載于續志茲正其

訛補其闕於勒石以傳無難矣

國子監題名記

職教太學者總之以祭酒貳之以司業弼之以監丞分之以博士助教學正學錄而典簿典籍掌饌則有司事也

國朝自永樂中建茲太學官者非一人久而將泯其名氏乃成化丙戌秋河東邢公自翰林出為祭酒脩廢墜昉刻示其名氏于石司業安成張業記之曰國家以賢才為元氣賢才盛則盛賢才衰則衰太學者賢才所由以盛衰者也果孰使而為之耶

國子監續題名碑記

太學日久弗葺嘉靖丙寅大新修飾越丁卯仲秋今上舉視學之典寔有開必先者也孟冬監丞王君同其僚請曰公自翰林來斯大司成四易矣監事巨細多所究心頃遇

聖人過化宮精規制百兩改觀獨職官題名缺然未續念等次第錄之將謀諸石敢質命于公浩按錄中森然鉅公矣作而言曰諸君之意謂綴名于石以為榮乎抑抑而取法以自勉乎嘗聞道在天下明而後行然行道之權統于宰相明道之責委于

師儒先是涇野呂公揭明善誠身以立教矣惜也  
嗇于所行繼而存齋徐公發明萬物一體之仁歷  
相

兩朝斯世斯道方屬望于無窮者昨於彝倫堂中

御幄之次同公坐論則陳公張公馬典禮掌秩則高  
公林公馬授經進講則史侍趙公代祭酒而講書  
馬俱嘗職于太學列名茲石者也而浩以司業得  
典講易厥明

闕謝暨諸君又蒙衣襲之

賜叨際茲會何厚幸哉夫稽古相承美喻于伊周蓋

左右先後成一德篤崇之臣耳數君子者名世之  
彥也率彝典而聚一堂顧不感歎于以寅恭協濟  
行其道於天下也裕如矣斯世斯道不亦大可慶  
哉予於是乎感於所遇紀其盛焉以致仰法之意  
也法之維何曰明善誠身以為功萬物一體以為  
志隨其名位之所臻勉焉自盡無負厥職而已是  
則附名于末也不已榮乎諸君曰敬惟命矣請以  
勒石且以銘諸心焉

隆慶元年歲次丁卯孟冬吉日司業高浩謹識

海



